

彙
初
新
志
十



虞初新志卷十八

小嫺嬛山館重校刊

新安張潮山來輯

聖師錄

王言慎旃

子輿氏言、人之所以異于禽獸、以其存心、而禽獸之中、乃有麒麟鳳凰、不踐生草、不食生蟲、首耳但食殘暴之虎、獬豸惟觸不直之人、烏能反哺、羊有跪乳、其存心皆可以爲朝廷旌仁孝、而揚德威、他如蟹至期而輪稻、蜂輪值而衛王、唐明皇之象、不肯爲祿山作舞、昭宗之僊、不肯爲朱溫起居、宋少帝之白鸛、殉帝于海、是物知有

君臣也。爲哀其子而腸斷，猿抱母皮而死，是物知有父子也。平章之鵠死，殉其雄，郡佐之鵠克和其配，汾水之旁有雁邱，鹽城之湖有烈鷺，是物知有夫婦也。橫空之鵠，弋鵠殺蛇，北平主氏之貓能補他子，是物知有同類也。隴山之鸚鵡思上皇，襄陽之燕殉子女，孫中舍之犬負米，姚生之馬鳴冤，陳州之鶴伴老，鶴州之騾逸歸，是物知忠于所事也。熊分果以餉墮坎之人，虎弭耳而捨抱哭之母，猯獫性愛其類，殺其一而致百，仁魚傷暑觸之兒，身亦觸石而死，是物知有

仁義也。翁媼之猴、日守待葬、侯家之鹿、斷角以殉。主放生之鼈、釋命之雞、俱能圖報、救死之德。是物知感恩也。洪店奔牛、悲鳴而訴、王璠之誣殺、夾道蜩蚪、昂首而訴、商僕之戕生、是物知賢守令也。然則物何異于人哉。微獨無異、抑恐世之不若者眾矣。家公向欲彙集一帙、爲聖師錄。本諸楊子聖人師萬物句。因病不果。予小子間閱往籍、竊取其義而識之。博物君子、得無責其不備耶。

白鵬

厓山之敗。陸秀夫抱祥興帝。與俱赴水。時御舟一白鷗。奮擊哀鳴。與籠墜水中死。

鶴

陳州倅盧某畜二鶴甚馴。一創死。一哀鳴不食。盧勉飼之。乃就食。一旦鳴繞盧側。盧曰。爾欲去。不爾羈也。鶴振翮雲際。數四徊翔。乃去。盧老病無子。後三年歸臥黃蒲溪上。晚秋蕭索。曳杖林間。忽有一鶴盤空。鳴聲淒斷。盧仰祝曰。若非我陳州侶耶。果爾。即當下。鶴竟投入懷中。以喙率衣。旋舞不釋。遂引之歸。後盧死。鶴亦不食死。家人瘞之墓左。

雁

元裕之好問千金泰和乙丑赴試并州道逢捕雁者捕得二雁一死一脫網去其脫網者空中盤旋哀鳴亦投地死裕之遂以金贖得二雁瘞汾水傍壘石爲識號曰雁邱

顧敬亭稼圃例有羅者得一雁鍛其羽絛其足立之汀畔以爲媒每見雲中飛者必昂首仰視一日其偶者見而下之特然如土委地交頸哀鳴血盡而死

正德間有張姓者獲一雁置于中庭明年有雁自

天鳴亭雁和之。久而天雁自下。彼此以頭絞死于樓前。因名樓曰雙雁樓。

王槐教諭銅陵。有民舍除夜燎烟。辟除不祥。二雁偶爲烟觸而下。其家以爲不祥也。烹之。明日一雁飛鳴屋頂。數日亦墮而死。

燕

襄陽衛敬瑜早喪。其妻霸陵王整妹也。年十六。父母舅姑咸欲嫁之。誓不許。截耳置盤中爲誓。乃止。戶有燕巢。常雙來去。後忽孤飛。女感之。謂曰。能如我乎。因以縷誌其足。明年復來。孤飛如故。猶帶前

樓女作詩曰昔年無偶去。今春猶獨歸。故人恩既重。不忍復雙飛。自爾春來秋去。凡六七年。後復來。女已死。燕遂舍哀鳴。人告之葬處。卽飛就墓哀鳴。不食而死。人因瘞之于旁。號曰燕冢。

元貞二年。燕人柳湯佐家。雙燕巢梁。一夕家人持火照。蝸其雄驚墜。貓食之。雌朝夕悲鳴。哺雛成翼而去。明年雌獨來。人視巢有二卵。疑其更偶。徐伺之。則二殼耳。春秋去來。凡六載皆然。夏氏子見梁間雙燕。戲彈之。其雄死。雌者悲鳴踰時。自投于河亦死。時人作烈燕歌。

郁七家有燕將雛巢久忽毀鄰燕成羣銜泥去來如織頃刻巢復成明日遂育數雛巢中乃知事急燕來助力者

鸚鵡

宋高宗時隴山人進能言鸚鵡高宗養之宮中一日問曰爾思鄉否曰豈不爾思思之何益帝遣中貴送還隴山數年之後使過其地鸚鵡問曰上皇安否曰崩矣鸚鵡悲鳴不已

關中商人得能言鸚鵡于隴山愛而食之甚勤偶事下獄歸時歎恨不已鸚鵡曰前在獄數日已不

李

堪鵲鴝遭閉累年奈何商感而放之後商同輩有
過隴山者鵲鴝必于林間問曰郎無恙否幸寄聲
華寄聲

李邁菴自記自滇遊回有僕染瘴而死僕攜有二
鵲鴝流淚三日不休亦死

鵲

高郵有鵲雙栖于南樓之上或弋其雄雌獨孤栖
旬餘有鵲一班偕一雄與其巢若媒誘之者然竟
日弗偶遂皆飛去孤者哀鳴不已忽鑽隙入巢隙
懸兄而死時遊者羣客見之無不嗟訝稱爲烈鵲

而競爲詩歌弔之。復有烈鵲碑。

衛衙梓巢鵲父死于弩。頃之眾擁一雄來匹其母。母哀鳴百拒之。雄却盡啄殺其四雛。母益哀。頃以死羣凶乃挾其雄逸去。

某氏園亭中有古樹鵲巢其上。伏卵將雛。一日二鵲徊翔屋上。悲鳴不已。頃之有數鵲相向鳴。漸益近百。首皆向巢。忽數鵲對啄鳴。若相語狀。颺去少頃。一鵲自空來。閣閣有聲。鵲亦尾其後。羣鵲向而噪。若有所訴。鵲復作聲。若允所請。鵲而上。擣巢銜一赤蛇吞之。羣鵲喧舞。若慶且謝者。蓋鵲有博搏。

蛇相救也

華亭董我庭前有虬松一株。枝幹扶疎。亭亭如蓋。有雙鶴。純巢其顛。後雄被彈死。其雌孑然獨處。日夕哀鳴。越數日亦死。

秦州墮傷僧寺樓窗外樹上。有鶴巢焉。雌鶴伏卵。其間村民伺雌覓食。潛以鵝卵易之。鶴不知也。久之。雛破卵出。則驚也。雄鶴訝其不類。謂雌與他禽合。怒而噪之。雌者亦鳴而已。既而雄者飛去。少頃。諸鶴羣集。視其雛。咸向雌前噪。雌者無以自明。以喙鑽牆隙死。吳嘉紀野人作詩紀其事。

黃鶯

有人取黃鶯雛養于竹籠中其雌雄接翼曉夜
鳴于籠外則更來哺之人或在前略無所畏積數
日不放出籠其雄雌繚繞飛鳴無從而入一投火
中一觸籠而死剖腹視之其腸寸斷

鴛鴦

成化六年十月間鹽城天縱湖漁父見鴛鴦甚多
一日弋其雄者烹之其雌者隨棹飛鳴不去漁父
方啓釜卽投沸湯中死

鵲

大慈山之陽有拱木上有二鵲各巢而生子其母
一爲鷺鳥所搏二子失母其鳴啁啁其一方哺子
見而憐之赴而救之卽銜置一處哺之若其子然
鵲

江浙平章變變求養二鵲其雄斃于狸奴家人以
他雄配之遂鬪而死謝子蘭作義鵲詩弔之

鵲

天寶末德倩沈朝家有鵲育卵而鵲出以死其雛
悲鳴不復食啄敗薦覆之又銜芻草母前若祭奠
狀長吁數聲而死沈氏異而埋之後人呼爲孝鵲

塚云。

湯鄰初煥佐郡江右。在任生女。及週郡人饋以鵝。頸爲盒擔壓折。折成之字。憐而畜之。後罷郡歸親黨。又饋以鵝。乃缺一掌者。亦憐而畜之。一雌一雄。遂成配偶。雄曰烏郎。雌曰蒼女。呼其名。卽應聲至。行則讓缺掌先食。則讓折頸者先食。至三十餘年。迨湯夫人歿。二鵝哀號數晝夜。絕食死于柩下。常州陳四畜黑白二鵝。兩窠相並。各哺數雛。一日黑者死。眾雛失怙。悲鳴。白者每晨至其窠。呼雛與已雛同啄。晚必先領歸窠。始引已雛入宿。人皆見。

而義之

雞

衢州里胥至貧民家督賦民祇有一哺雞擬烹之胥恍忽見桑林間有黃衣女子乞命里胥驚慙少間見民持刀取哺雞意疑之止勿殺後再至見雞率羣雞向前踴躍有似相感之狀胥行百步遇虎忽見雞飛撲虎眼胥因奔免

象

唐明皇嘗教象拜舞天寶之亂祿山大宴其曹出象給之曰此象自南海奔來知吾有天命雖異類

人 杖 廣

必拜舞。左右命之拜。象皆努目。叩首不肯拜。命之舞。努目。欽足不肯舞。祿山怒。盡殺之。

上元中華容縣有象入莊家中庭臥。其足下有搓。人爲出之。象乃伏。令人騎入深山。以鼻指土。得象牙數十以報之。

元有駕象。明太祖登極不肯拜。跪竟死。受下。

明廣西有象。封定南公。吳三桂入。檻欲將象解京。象昂首直觸象奴。百計勸勉終不服。三桂大怒。乃矢不能傷。以火砲攻斃之。

鹿